

Enformaziuns y Comunicaziuns

Preparaziun dal Bato: La Uniun dles Ères Catoliches dal decanat envièia geniturs co á en viadú da bacé, pèrs co aspeta, totes y toc ala preparaziun dal Bato, en sabeda ai 10 de messé dales 15:00 ales 17:00, te salff de calogna da Corvara. Les prenotaziuns vèn tutes sö al 328 0717796. Do la preparaziun sarál ciamó l'ocajun da sté en pü' adöm pa en picio renfräsch, arjigné ca dla Uniun dles Ères da Corvara.

Sorvisc de consulènza: Le Sorvisc ai Jogn Val Badia lascia alessèi che le Sorvisc de consulènza por jogn, jones y geniturs é davert fina amez setèmber sön apuntamont o tres telefon. I contac é 342 8410721 o barbara@jogn.org . An pó damané do na consulènza personala sön temesc co reverda la jonèza y/o l'educaziun.

Zënter Families: Le Zënter Families Mareo organisèia en curs da cují con Maria Frenner, por mitans y mituns dala 5^a elementara ala 3^a mesana. Le curs é dai 5 ai 9 de messé. I posc é limitês a 5, le cost é de 70 €. Infos pa Maria al 342 8058695.

Biblioteca: Al vèn lascé alessèi che la biblioteca é slüta dai 21.06. cina ai 04.07.

Comune: Le Comune de Mareo lascia alessèi che dai 21 de jügn ennant é i ofizi comunai le dedemesaledema domisdé daverc dales 15:00 ales 17:00.

Programma Generale: Le ASC Mareo mèt da jí ince eniann d'isté le „Programma Generale“, por mitans y mituns da 5 a 12 agn. La pröma encuntada é ai 01.07. ales 9:00, pal ciamp dal sport. Al sará endöt 15 encuntades de n'ora y mesa, vigne lönesc y jöbia. Prenotaziuns anter i 22.06. pa Corinne (tel. o Whatsapp) al 346 2211376. Le cost é de 110 € por le pröm möt, 100 € por le secundo, 90 € por le terzo.

La Spona: La Spona chir da setèmber 2021 ennant personal: 1 post al 75% tal salff de laur (danmisdé) y 1 post al 75% tles abitaziuns (domisdé). Al vèn chirí personal con cöstes spezialisaziuns: operadú/dëssa sozioassistenzial/a, operadëssa por handicap o jont atompada, operadú/dëssa soziosanitar/a. Por enformaziuns cherdé sö le 0471 843060 y damané do la manajadëssa Sabine Federa.

Enrescida: L'Istitut Ladin „Micurá de Rù“ chir jones o jogn con matura por daidé fá na inrescida soziolinguistica tla Val Badia. En vëndres ai 25 de jügn sarál na encuntada online olache al gnará dé spligaziuns avisa sön les porones che an ó envié da tó pert ala inrescida, sön les schedes che ares messará scrí fora y co che ares dess gní partides fora y coüdes adöm. Le laur pó gní fat de messé y agost. Al vèn pité en bun paiamont. Chi co é enteressés da fá empara, pó mené na mail con cörta prejentaziun a info@micura.it . Dedô gnarál mené le link por tó pert ala encuntada.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

20.06.2021 - 12. Domègna ia por l'ann

nr. 30

La fede motüda ala proa

Dal Vagnele do San Merch 4, 35 - 41

³⁵En chël dé, canch'al ea gnü da sëra, ti á Gejú dit a sü discepu: I jun ia sön l'atra spona. ³⁶Ai á orcé demez la jont y é piés ia con chë barca, sön chëra che ël ea sonté; en valgünes d'atres barches l'acompanâ. ³⁷T'en iade él gnü en ont rodel dër sterch y les ones batea sora barca ete, tan che la barca â motü man da s'emplí d'ega. ³⁸Mo ël s'an stea ponü te barca iadedô sön en plomac y dormia. Ai l'á cherdé y scraia: Maester, ne t'an valel nia ch'i jun sot? ³⁹Danló él loé sò, ti á manacé al ont y ti á dit al lé: Scuta, stá chit! Y l'ont s'á architè ia, y al ea gnü döt chît. ⁴⁰Y al ti á dit: Ciodi ëise pa na te' pôra? Ne n'ëise ciamó degüna fede? ⁴¹Danló ái ciafé na gran tēma y ai dijea önn al ater: Ci sort d'en chescian é pa cösc, ch'al é finamai l'ont y le lé co ti olga?



Parora dal Signur! - Lalt a te, Gejú Crist!

Dal Salm dla domègna



Laldé y rengrazié dessai duc le Signur.

Chi co é rodés con bastimonc fora por le mer y á sciacaré sön les gran eghes, chi co á podü amiré danló dal Signur les operes y tla profundité dal mer sü mirachi. - **R**

Canch'al á baié y deslié na tempesta y á ért sö les ones:

Chi co é jüs sö alt tal cí y jö tla profundité plü sota, y de chi che so anim tal prigo s'al á odüda. - **R**

Chisc dess duc rengrazié le Signur por söa tlemënza, y ch'al ti á fat ala jont tan de operes demorvëia.

Oraziun dal dé



Periun!

Dio Sant, dassé timur y amur por to ennom: deache tö ne ti tires nia zoruch töa man da bun pere a chi co se tralascia sön te. Do cösc te periunse por nosc Signur Gejú Crist, to Fi, co é Dio y vir y regnëia con te tl'unité dal Spirit Sant, por duc i secui dai secui.
Amen!

| Edema liturgica dai 20.06. ai 27.06.2021 | | |
|--|--|---|
| DOM 20. 08:30 9:30 10:00 | 12. domëgna ia por l'ann <i>s.m. a La Pli</i> Corona por +nt Hubert Tamers Gran Mëssa por dōta la ploania 3. mëssa de sepoltōra por +nt Hubert Tamers dal ann por +nt Anton Daverda +nc' Lois y Lukas Maneschg | <i>Adalbert, Margareta</i> LAD |
| Lön 21. 18:00 | S.M. por Burger Regina por Rosa Rubatscher - +nta Berta Comploi | DEU |
| Ded 22. 19:30 | <i>Paulin, John Fisher y Thomas Morus, Christina, Wilhelm</i> Corona | |
| Dem 23. | <i>Edeltraud, Hildulf</i> Vijita personala te dlijia y cortina | |
| Jōb 24. | GRAN FESTA DAL NADÉ DE SAN JAN LE BACIADÚ , <i>Ivan</i> Vijita personala te dlijia y cortina | |
| Ven 25. 07:30 15:00 | <i>Wilhelm, Eleonora, Dorothea</i> S.M.+nc' Angela y Jep Erlacher de Corcela +nc' Maria y Franz Comploi - +nta Ida Pisching de Candido Corona | LAD |
| Sab 26. 17:30 18:00 | <i>Sabeda de Santa Maria I Vigile da Tront, Jan y Paul</i> Corona S.M. prefestia 2. de sepoltōra por +nt Giorgio Borroni dal ann por +nt Matthias Call +nc' Paul y Johanna Kastlunger - +nta Monica Erlacher +nt Paul Pitscheider - +nt Josef Kosta +nc' Antonio y Marino Punturieri - +nta Clara Frenner Punturieri | ITA |
| DOM 27. 08:30 9:30 10:00 | 13. domëgna ia por l'ann <i>S.M. a La Pli</i> Corona por +nt Celeste Dalla Gaspera Gran Mëssa por dōta la ploania 3. messa de sepoltōra por +nt Celeste Dalla Gaspera +nt Franz Kanetscheider - +nt Cristiano Comploi | <i>Hemma da Gurk, Ziril d'Alessandria</i> LAD |

Aodanzes



La comunité ti fej les mius aodanzes ai nüc
Victor Obojes y Carmena Gasser
Che la benediscun de Dio i acompagnëii
sön so tru de vita deboriada.

Da ponsé do

Pordërt é vigne persona religiosa -
canche ara é bona
da fá chit y da fá vera
da rí y da bradlé
da baié y da ascuté
da davagné y da perde
da créie y da dubité
da ester sonziera y da ester umila
da se daorí y da ciaré te se enstëssa
da s'la fá avarëi y da dé do
da vire söes forzes y da mostré söes deblëzes
da dé y da respogne
da rengrazié y da perié do valch
da capí y da lascé ia
da sorantó y da dé jō responsabilité
da amé y da patí
da odëi Chël Bel Dio y les porsones.
(Dieter Barth)

Tomp d'oraziun

Signur,
i te præii,
scínchemo
te cōstes edemes
les capacités
da mo deliberé
dles aspetatives dai atri
y dles mies.
Scínchemo en sentiment de ledëza,
che ma tö te pós dé
y en dejier do te.
Scínchemo la confidonza,
che tö te me condüjes
sön i trus dal tomp
por roé al travert
olache tö mo aspetes.

*En rai de sorëdl basta
por iluminé trepa scürité.
(S. Francësch)*

Ofertes empede ciōf sōn fossa por +nta Angela Maneschg

Dlijia: Tamers Angela, Friedrich y Heinrich de Burcia, Richard y Rosa Piazza
SS.Mësses: la tlassé dal 1934, fiocia Franca Pizzinini, fam. Pisching Emilio, Kehrer Anna
Ioian y Dio s'al paii

Sorvisc dai Ministronc

Lönesc 21/06 (18:00h), Vendres 25/06 (07:30h): Anna Promberger, Angela Trebo;
Sabeda 26/06 (18:00h): Michelle Agreiter, Mattia Leggio, Michael Leimegger, Elias
y Silvia Obojes, Anita Possamai, Jan Paul Promberger;
Domëgna 27/06 (10:00h): Diana, Madalena y Matthias Deval, Felix y Lena
Feichter, Antonio Mauro

Zuspruch

AM SONNTAG

Zwölfter Sonntag im Jahreskreis B

Herr, hab Dank, dass du nicht einen
großen Glauben verlangst, sondern
Glauben an einen großen Gott.

Corrie ten Boom



Joliet

Was immer das Leben
schaukeln lässt oder zum
Kippen bringen kann –
Macht hat nur einer: Gott;
und in seinem Namen sein
Sohn. Der Sturm mag sein,
wie er will; die Wellen
mögen hochschlagen,
Gott selbst hat auch das in
Händen und ist mächtiger
als seine Elemente.

